

左
通
補
釋

補釋十九

起襄公廿六年盡廿八年

左通一

錢塘梁履繩學

襄廿六

殺子叔解子叔衛侯剽言子叔剽無諡故

衛殤公焱經傳作剽史記年表作殤公狄衛世家作殤公

秋案注疏言剽無諡故稱族而史號爲殤公蓋後追諡之

馬遷必別有所本也

漢書古今人表攷

餘詳襄十四年攷異

晉茂茅氏

解茅氏戚東鄙

案周公諸子之封大率皆衛地如凡共胙並在滑此必茅

圃也

春秋地名攷略七

敗之圃解圃衛地

今開州東有圃城

案州屬直隸大名府春秋地名攷略七

襄二十六年從衛

師敗之圍衛地也昭五年鄭伯勞諸圍鄭地也

春秋分記疆理書十

享子展賜之先路三命之服先八邑賜子產次路再命之服先六邑解先路次路皆王所賜車之總名蓋請之於王以路及命服爲邑先

王之行也乘玉路而先之以象路次之以革路木路而金路綴於玉路之後觀書先輅在左塾之前而居西次輅在右塾之前而居東春秋之時鄭伯以先路三命之服賜子展以次路再命之服賜子產魯以先路三命之服賜晉三帥以一命之服賜司馬與帥以下成則先路固貴於次路矣諸侯有先路後路亦有大路樂記亦曰大路天子之路

所以贈諸侯雜記諸侯之贈有乘黃大路相禩以後路與冕服先路與袞衣蓋諸侯之大路則金路謂之大路猶熊侯謂之大夫侯春秋傳稱王賜晉文公以大路之服僖廿八

祝佗言先王分魯衛晉以大路定四王賜鄭子蟜以大路襄十

九王賜叔孫豹以大路襄廿四杜氏以賜魯衛晉之大路皆

金路賜穆叔子蟜之大路當是革木二路此不可考禮書百三

十案王制次國三卿二卿命於天子此享時賜三命之服

蓋先得請於王而以享命之也又周禮大宗伯再命受服

三命受位此三命賜服者兼之也詳通典職官之秩品篇又案典命

伯之卿三命大夫再命子產已立為卿而再命者蓋其位

在四踰數非法鄭伯不敢聞於王而仍以大夫之舊請也

注疏皆未及

沈氏小疏

降殺以雨

降殺以雨尊卑之差

孝經諫章注

師古曰兩兩而降殺

漢書王莽傳中

注

子產其將知政矣解知國政

呂覽仲冬紀曰申侯伯如鄭三年而知鄭國之政高誘曰

知猶爲也

長見篇志氏補注四

及雩婁解雩婁今屬安豐郡

淮南子孫叔敖決期思之水灌雩婁之野人間訓期思水卽

芍陂也

案南史王琳傳孫叔敖云

今雩婁城在江南安徽潁州

府霍丘縣西南期思城在河南光州固始縣境二邑相鄰

並也水經注云雩婁縣故吳也決水注此誤傳原云聞吳有

備而還是不入吳境也又為叔敖陂水所溉案本後漢書循吏王景傳

其為楚地明矣春秋地名攷略九史記吳王餘祭十一年楚伐吳

至雩婁服虔亦曰楚之東邑大事表七之四案昭五年薳啟疆

待命于雩婁所以備吳料無屯師別境之理餘見文十年

鄭皇頡戍之解皇頡鄭大夫

皇氏風俗通云三皇之後因氏焉左傳鄭大夫皇頡皇辰

辰見成十八通志氏族略四案世族譜于皇氏下列皇武子傳廿四皇

戍宣十皇耳案十杜解雜人中則有皇辰皇頡今通志略

祇引此二人而不及皇武子諸人豈亦以為別族耶高氏

姓名同異攷以辰為戍之弟未詳所據疑因名屬地支而

附會之惟萬氏光泰以爲同族莫知所承是已

穿封戌

穿封戌爲方城外之縣尹疑穿封是方城外地名戌爲其

縣尹昭八年楚靈王滅陳爲縣使戌爲縣公或卽以地爲

氏傳中單稱戌可知其名

萬氏氏族略

乃立囚

立囚爲證也

惠氏補注四

案公羊桓六年傳注引律文立子

姦母立作對義此云立囚乃取囚對證也

方城外之縣尹也

方城地勢縣互分縣甚多葉與城父持其險要耳襄十六年傳晉師遂侵方城之外昭十八年傳葉在楚國方城外

之蔽也二十年傳建與伍奢將以方城之外叛哀四年傳致方城之外於繒關十六年傳葉公在蔡方城之外外傳楚語下葉公帥方城之外以入皆是槩舉之辭史記越世家正義云方城外謂許州豫州等此說最合周氏附論詳見僖四年方城下

印董父無鄭大夫

印董父印氏別族

杜氏世族譜

案程氏分記世譜以爲印段

生二子曰董父曰癸

昭十六

與杜異

子大叔爲令正無主作辭令之正

鄭於列國中最善辭命故執訊以通訊問令正以主辭令自子產知政文辭爲功故夫子亟稱之鄭以子大叔爲令

正者因其有討論之才又善決而文也案善決而文見說苑政理篇嚴氏

擲左
隨筆

取衛西鄙懿氏六十解戚城西北五十里有懿城因姓以名城正義蓋上世有大夫姓懿氏食邑於此地因以其姓名其城也

戚城在今直隸大名府開州北七里戚城西北二十五里

有懿城大事表
七之二

北宮遺解北宮括之子

北宮遺成子杜氏世
族譜

使女齊以先歸解女齊司馬侯

晉女氏女齊亦曰女叔侯亦曰司馬侯並見
廿九司馬叔游女

齊子女寬亦齊子

並昭廿八 高氏左
傳姓名同異攷二

鄭七穆罕氏其後亡者也解鄭穆公十一子子然二子孔三族已亡子羽不爲卿故唯言七穆釋文鄭七穆謂子展公孫舍之罕氏也云云

初崔日用自言明左氏春秋諸侯官族它日學士大集日用折平一曰君文章固耐久若言經則敗績矣時崔湜張說素知平一該習勸令酬詰平一乃請所疑日用曰魯三

桓鄭七穆奈何荅曰慶父叔牙季友桓三子也孟孫至僂

凡九世

案孟孫氏共仲慶父穆伯公孫拔文伯穀孟獻子
蔑孟莊子速孟孝伯羯孟僖子慶孟懿子何忌孟

武伯

叔孫舒季孫肥凡八世

案叔孫氏僖叔公子可戴伯

僂

穆子豹叔孫昭子姑叔孫成子不敢叔孫武子州仇叔孫

文子舒季孫氏成季公子友齊仲無佚季文子行父季武

子宿季悼子純季平子意
如季桓子斯季康子肥
鄭穆公十一子子然及二子子

孔三族亡子羽不為卿故稱七穆子罕子駟子良子國子

游子印子豐也一坐驚服平一問日用曰公言齊桓公楚

莊王時諸侯屬齊若楚凡幾
案屬齊者宋魯陳蔡邾衛鄭

杞徐鄆凡二十一國戎及山戎淮夷不數屬楚者
鄭吳越陳唐許宋凡七國其羣舒舒蓼不數之
平公靈

王時諸侯屬晉楚凡幾
案屬晉者魯宋衛鄭曹莒邾薛杞

者蔡陳鄭許徐滕頓胡沈
小邾宋越魯及淮夷東夷
晉六卿齊楚執政幾何人
案晉

為中軍將佐上軍將佐下軍將佐齊之命卿國氏高氏唯
桓公時管仲以下卿執政景公時崔杼為右相慶封為左

相繼執政悼公以後陳氏執政楚法以
公子為令尹執政並詳大事表不具錄
日用謝曰吾不知

君能知乎平一條舉始末無畱語日用曰吾請北面闔坐

大笑
唐書武

宋芮司徒解芮司徒宋大夫

芮氏周同姓國以國為氏其後有芮伯萬桓史記齊景公

妾曰芮姬

見齊世家通志氏族略二

案惠氏以芮司徒為宋同姓

故下言君夫人氏後言君之妾弃不云某氏此說非也惠

氏特據史記齊世家田完世家稱芮姬為芮子不知子乃

內官之號襄十九年哀五年所謂諸子是也詳駁向左師

豈不知夫人之姓而必云某氏乎

赤而毛

服氏曰其身色赤而生毛也太平御覽皇親部十三

平公入夕

服氏曰視夕也皇親部十三

而視之尤解尤甚也

服氏曰尤過也意悅之故視之過久也皇親部十三

加書徵之解詐作盟處爲大子反徵驗也

服氏曰以書爲之徵驗也書盟書皇親部十三

欲速解言欲速得公位

服氏曰欲疾代公得位故與楚客共謀弑父也皇親部十三

固聞之

服氏曰固久也久聞太子欲爲亂皇親部十三

與蔡大師子朝友

公子朝文公子春秋分記世譜三

如杞梓皮革解杞梓皆木名

集于苞杞杜陸璣曰杞其樹如樗一名苦杞一名地骨詩

緝云詩有三杞將仲子無折我樹杞柳屬也南山有臺南

山有杞淇露在彼杞棘山木也此詩集于苞杞杜北山

言采其杞四月隰有杞檟枸杞也案嚴華谷案詩緝云南

山有杞之杞是山木與此詩杞是二種確甚朱子注南山

之杞云樹如樗極肖其形若陸氏疏此杞亦云樹如樗幾

相溷矣攷本草枸杞固入木部但見有成架未見有成林

者惟沈存中云陝西極邊枸杞最大高丈餘可作柱見夢溪筆

談甘亦豈與山樗並蔽芾耶毛晉毛詩陸疏廣要上之上舊說椅卽是

梓梓卽是楸見爾雅注蓋楸之疏理而白色者爲梓梓實

桐皮曰椅其實兩木大類同而小別也見陸璣疏今呼牡丹謂

之華王梓為木王蓋木莫良於梓故書以梓材名篇禮以

梓人名匠也

埤雅十四

管子五沃之土宜白梓

地員篇

楚地尤多

此木故尸子曰荆有長松文梓而聲子亦曰杞梓皮革自

楚往也

爾雅翼九

僖二十三年傳羽毛齒革波及晉國外傳楚

語云皮革羽毛所以備賦用以戒不虞者也皆是楚產之

證韋昭以皮為虎豹皮革為犀兕皮

見晉語四楚語下注

又云皮革

犀兕也

見楚語上注

連文散文義皆得通案月令季春命工師

令百工審五庫之量以皮革筋為一庫

本熊氏說

周官掌皮秋

斂皮冬斂革蓋又以有毛者為皮去毛者為革也

周氏附論

故夏書曰與其殺不辜寧失不經解逸書也正義此在大禹

謨之篇

漢宣帝時守廷尉吏路溫舒上尚德緩刑書亦引此二句

見漢書五十一卷路溫舒傳及說苑卷五貴德篇

尚書後篇

賞以春夏刑以秋冬解順天時

案左傳云賞以春夏刑以秋冬此嘗之日發公室示賞者

文各有所對以賞對刑則賞屬春夏刑屬秋冬其實四時

之間皆有賞故車服屬夏田邑屬秋出田邑之時亦有物

也

案物賞物

故覲禮秋時賜侯氏車服及篋服也

禮記祭統正義

此即

順陽義順陰義之意

祭統文

特秋冬可行賞而春夏則不可

用刑月令於孟夏純陽之月斷刑決罪故鄭氏疑其非據

月令秋冬所賞本與春夏不同秋賞軍帥及武人冬賞死

事者及其妻子亦所以順陰氣也

本疏廣氏說嚴氏擷左隨筆

以害楚國不可救療解療治也

語義與不可救藥同詩正義云如人病甚不可救以藥也

見大雅板

周氏附論

析公

析公臣楚大夫

國語楚語上注

若多鼓鈞聲以夜軍之解鈞同其聲

孫武子夜戰多火鼓晝戰多旌旗所以變人之耳目也吳

子戰法晝以旌旗幡麾爲節夜以金鼓笳笛爲節

讀左日鈔七

案淮南兵略訓云晝則多旌夜則多火晦冥多鼓義與

傳合

不善是也解不是其曲直

是理也

楚語上注

晉人與之郢解郢晉邑

昭十四年邢侯與雍子爭郢田蓋亦近邢臺之地邢臺縣

今屬直隸順德府

大事表七之三

子反與子靈解子靈巫臣

申公巫臣

宣十二

亦曰屈巫

成二

亦曰子靈

高氏左傳姓名同異攷二

案

巫臣乃屈氏之族故其子稱屈狐庸

襄卅一

特未詳所承王

逸楚辭雲中君注云靈巫也楚人名巫爲靈子愚謂靈義

从巫說文云靈或从巫六書正譌遂以靈爲俗作非也今

屈巫之字義有取焉

克棘解棘楚邑譙國鄆縣東北有棘亭

楚棘在河南歸德府永城縣南

春秋與圖

楚師之良在其中軍王族而已解言楚之精卒唯在中軍

唐固國語注云族親族同姓也韋昭曰族謂部屬案韋說

是也

見楚語上

成十六年傳云欒范以其族夾公行劉光伯曰

族者屬也非謂公族之兵

惠氏補注四

案成傳亦有此文

無師

字

杜氏無解因補於此

聲子使椒鳴逆之解椒鳴伍舉子

椒鳴奢之弟

伍奢見昭十九春秋分記世譜五

涉於樂氏解樂氏津名

今河南開封府新鄭縣境洧水濟渡處也

姚氏附注

晉士起正義周禮大國之卿三命天子上士亦三命曲禮云

列國之大夫入天子之國曰某士

亦謂諸侯之卿也三命以下於天子爲士曰某士者如晉

韓起聘於周擯者曰晉士起

禮記曲禮下注

列國五等諸侯也天

子上士三命中士再命下士一命而五等之臣唯公國一

孤四命耳自卿大夫從三命而下其命等於王之士故入

天子之國則擯者稱爲某國之士也

又正義

齊烏餘以廩丘奔晉解烏餘齊大夫廩丘今東郡廩丘縣故

城是

烏氏出自姬姓黃帝之後少昊氏以烏烏名官以世功命

氏齊有烏之餘

唐書宰相世系表五下

齊廩丘在今山東曹州府范

縣東南七十里介乎齊晉宋魯衛之間

大事表七之一

案烏烏

名官恐是譜課家附會通志氏族略四與唐表同又云齊

有烏枝鳴

昭廿一

莒有烏存

昭廿三

襲衛羊角解今廩丘縣所治羊角城是

今范縣東南之義東堡有羊角城

大事表七之二

遂襲我高魚解高魚城在廩丘縣東北

高魚今在曹州府鄆城縣東北北與范縣接界

大事表七之一

胥梁帶解晉大夫

甲父

文十二宣元

子午

襄廿三

子梁帶

春秋分記世譜二

襄廿七

託於木門

解木門晉邑

在今直隸河間府城西北三里城中古有大樹謂之木門
城漢置參戶縣武帝封河間獻王子免爲侯邑宋元符三

年張商英請開木門口泄徒駭東流卽此地大事表七之三案

穀梁傳云織紵邯鄲蓋子鮮託居木門復於邯鄲之地織

紵自給溷迹齊民放廢不仕高氏地名攷略遂謂木門當

在邯鄲之境邯鄲故衛邑後方屬晉詳定十三年以終身不言

衛之子鮮必不肯處於邯鄲也

仲尼使舉是禮也以爲多文辭解宋向戌自美弭兵之意敬

逆趙武趙武叔向因享宴之會展賓主之辭故仲尼以爲多

文辭

此與公羊昭廿五年齊侯唁公于野井以遇禮相見孔子

曰其禮與其辭足觀矣皆仲尼之所取者也惠氏補注四

單斃其死解單盡也斃踣也

言未有不亡

顧氏補正中

且吾因宋以守病解爲楚所病則欲入宋城

在宋城所謂因宋以守也病謂楚攻而病也

邵氏左

守字句

絕

顧氏補正中

案

病字連下爲義

晉楚爭先解爭先歆血

楚人衷甲爲爭先也

惠氏補注四

諸侯歸晉之德只解只辭

說文云只語已辭詩鄘風柏舟母也天只不諒人只是也

亦卽楚辭大招之所祖

周氏附論

宋公兼享晉楚之大夫趙孟爲客子木與之言弗能對使叔

向侍言焉子木亦不能對也正義聘禮燕聘賓云云

上介壹食壹饗

儀禮聘禮

饗食賓介爲介從饗獻矣復特饗之

客之也

又注

案張爾岐儀禮鄭注句讀曰饗禮介從饗若食禮介雖從人不從食

案襄二十

七年宋公兼享晉楚大夫趙孟爲客子木與之言弗能對

使叔向待言焉子木亦不能對也叔向爲趙孟介而得從

饗是其義也

又疏

盟于蒙門之外解蒙門宋城門

今河南歸德府治東北有蒙城則亦東北門矣

大事表七之二

其祝史陳信於鬼神

大夫之家亦有祝史

大事表十

公孫段

子石

本傳

伯石

卅年

公孫段景伯

杜氏世族譜

詩以言志正義在心爲志發言爲詩是詩所以言人之志意也

堯典詩言志鄭曰詩所以言人之志意也

案見詩譜序疏又關雎序疏史

記五帝本紀集解

案曰詩序云詩者志之所之也在心爲志發言

爲詩樂記云詩言其志又詩譜序疏引春秋說題辭云在事爲詩思慮爲志詩之爲言志也是也

王鳴盛尚書後案一

宋左師請賞曰請免死之邑解欲宋君稱功加厚賞故謙言免死之邑也

左氏書曰欲弭諸侯之兵以爲名便見得向戌之弭兵非是果欲息民欲求息民之名耳當時大國惟晉與楚向戌善於趙文子又善於令尹子木晉楚旣從諸小國自不得

不赴故卒成弭兵之一事其後向戌挾弭兵之事又書左師請賞公與之邑則向戌弭兵之意非果欲息天下之民平諸侯之爭區區爲一己之利而已左氏於前書弭兵爲名既有以誅其心於後則記其請邑之事又有以正其罪

呂氏春秋左氏傳說八

畏而後上下慈和云云所以亡也

惟聖人能外內無患自非聖人外寧必有內憂

見成十六年傳此

意正與孟子入則無法家拂士之意同又如本朝李文靖

沆爲相當時南北皆未寧或至盱眙食羽檄日至王文正

每以爲憂歎曰我輩安能坐致太平得優游無事耶文靖曰少有憂勤足爲警戒參政謂今日多事萬一邊鄙旣寧

竊恐朝廷事反多於今日參政自將見之其後澶淵既盟及北講和西戎納款而東封西祀蒐講墜典靡有暇日丁謂王欽若諸人相繼更進迭用天下紛紛果如文靖之言

子罕之言亦文靖之意

左氏傳說八

天生五材解金木水火土也

昭二十五年正義云五物世所行用故謂之五行五者各

有材能傳又謂之五材顏師古漢書注五行言順天行氣

也

見五行志

義本白虎通

見五行篇

較孔疏爲精五行以數言則謂

之五度以剋言則謂之五殺

見淮南兵略訓

以事言則謂之五官

見春秋繁露

尚靜齋經說

齊崔杼生成及疆而寡解偏喪曰寡寡特也

男子亦稱寡傳曰崔杼生成及彊而寡故爾雅云無夫無

婦並謂之寡

案今小爾雅作無妻無夫通謂之寡詩桃夭正義

墨子辭過篇曰外

無寡夫又曰天下之男多寡無妻

惠氏補注四

成請老于崔解濟南東朝陽縣西北有崔氏城

東朝陽故城在今山東濟南府章丘縣西北六十里則有

六十餘里矣通志云二十五里誤

春秋輿圖

崔明來奔

崔杼爲齊正卿子明奔魯生良

唐書宰相世系表二下

十一月乙亥朔日有食之辰在申司歷過也再失閏矣解謂

斗建指申周十一月今之九月斗當建戌而在申故知再失

閏也文十一年三月甲子至今年七十一歲應有二十六閏

今長歷推得二十四閏通計少再閏釋例言之詳矣正義釋

例云云 乙卯歲

襄公二十七年歲在乙卯九月乙亥朔是建申之月也魯
史書十二月乙亥朔日有食之傳曰冬十一月乙亥朔日
有食之於是辰在申司歷過也再失閏矣言時實以爲十
一月也不察其建不考之於天也臣淳風等謹案術意問
宜云從文公十一年至襄公二十七年合七十一年以何
術推求得知再失閏術曰置文公十一年歲在乙巳會于
承匡之歲至襄公二十七年歲在乙卯合七十一年閏餘
七卽以七乘七十一年得四百九十七以章歲十九除之
得二十六閏以長歷校之正二十四閏故云再失閏

五經
算術

下姜氏云十一月乙亥朔交分入限應食大衍同今歷推之是歲十一月乙亥朔加時在晝交分初日八百二十五分入食限

元史歷志二

襄廿八歲在星紀而淫於亥枵解歲歲星也星紀在丑斗牛之次亥枵在子虛危之次十八年晉董叔曰天道多在西北是歲歲星在亥至此年十一歲故在星紀明年乃當在亥枵今已在亥枵淫行失次正義云云

如左氏之法是歲星午年在亥未年在戌申年在酉酉年在申戌年在未亥年在午子年在巳丑年在辰寅年在卯卯年在寅辰年在丑巳年在子襄十八年丙午據今歷家躔度約法則午年木星在辰依史記天官書則午年當在

西襄二十八年丙辰據今歷家躔度約法則辰年木星在
午依史記天官書則辰年當在亥皆與左氏言歲星不同
又如昭九年夏四月陳災左傳鄭裨竈曰五年陳將復封
封五十二年而亡歲五及鶉火而陳卒亡故曰五十二年
本注是年在星紀五歲及大梁而陳復封自大梁四年而
及鶉火又四周四十八年凡五及鶉火愚案昭公八年楚
滅陳九年戊辰據今歷家躔度約法辰年木星在午依史
記天官書則辰年當在亥左氏說歲星自爲一家昭九年
戊辰歲在星紀正如襄二十八年丙辰歲在星紀所謂五
十二年者當哀公十二年戊午不見陳亡是年楚公子結
伐陳吳救陳未嘗亡也又如昭三十二年辛卯伐越史墨

曰不及四十年越其有吳乎越得歲而吳伐之本注此年
歲在星紀星紀吳越之分歲星所在其國有福案十二星
本無吳止有越以左氏歲星例推之卯年當在寅而淫於
星紀者也案今歷家算木星約法則卯年當在未依史記
天官書則卯年當在子愚嘗觀天象而證之則歷家所算
木星乃歲星之昏見者也天官書所言歲星乃歲星之晨
見者也各有其星在焉昏見者先他星而出晨見者後他
星而沒前漢志與天官書相同恒以寅年寅月卯年卯月餘年依例朝昏
候之可見皆謂歲星也惟左氏所言未知爲何星又如王
猛克壺關之年當海西公太和五年庚午申盾謂福德在
燕趙秋謂天道在燕當時秦太史論彗星亦云尾箕燕分

然午年歲星不在尾箕之分又如石越諫伐晉言歲鎮守斗福德在吳當秦世祖建元十八年壬午則午年亦不當在吳越之分此時所謂歲星與左氏午年在亥之例又不同必有至當之說以俟知天道者

熊氏經說三

餘詳昭九年

卅二年

胡子昭四年解胡國汝陰縣西北有胡城

胡國子裔歸姓今江南

安敦

潁州府阜陽縣西北二里有胡

城

大事表五

案杜氏盟會圖疏云胡在豫州鄆城今鄆城縣

屬河南許州遠疑非當以集解爲定通志氏族略三云歸未詳得姓之始左傳胡子國姓歸愚謂此據襄卅一年傳胡女敬歸之文杜云胡歸姓之國是也路史國名紀五乃

據鄭武公謂胡爲兄弟之國語

見韓非子說難篇

遂以爲姬姓愚

意胡鄭同姓

哀六年齊景公妾胡姬

武公時不宜以女妻胡君且胡

旣爲武公襲滅春秋時何得復見善乎仁和李鏡氏之言

曰鄭所滅者姬姓胡楚所滅者歸姓胡也

見定國名紀四十五

旣以胡爲有虞氏後歸姓紀五又以姬姓胡爲周之餘族

乃並云國在汝陰爲楚所滅何其混也

乃其心也

師古曰言心之所常行也

漢書五行志中之上注

宋之盟君實親辱解君謂鄭伯

宋之盟鄭伯不在此謂盟時約言云爾卽所謂晉楚之從

交相見者也

陸氏附注二

跋涉山川釋文草行為跋水行為涉

草行曰跋水行曰涉

詩載馳傳案楚世家集解引服氏注同

左傳云跋涉山

川則跋者山行之名也言草行者跋本行草之名故傳曰

反首菱舍

德十

以行山必有草故山行亦曰跋

又正義

餘

見羣籍攷異

舍不為壇

解

至敵國郊除地封土為壇以受郊勞

郊舍狹寡為帷宮以受勞掌舍職曰為帷宮設旌門

儀禮覲禮

注

謂為帷宮則設旌旗以表四門彼天子所舍平地之事

引之者證諸侯行亦有帷宮設旌為門之事也案聘禮使

卿勞賓受於門內司儀諸侯之臣相為國客亦是受勞於

館不為帷宮者彼臣禮卿行旅從徒衆少故在館此諸侯

禮君行師從徒衆多故於帷宮左氏傳云子產相鄭伯以如楚舍不爲壇外僕言曰先大夫相先君適四國未嘗不爲壇彼亦是諸侯相朝當爲壇以爲帷宮受勞之事也又疏所以告子孫無昭禍焉可也

傳見諸侯朝楚非得已故子產自損其禮且以爲禍趙氏補注

與慶舍政解慶封當國不自爲政以付舍

服虔曰生傳其職政與子史記齊世家集解

公膳日雙雞解卿大夫之膳食

臣召南案卿大夫在朝之公膳猶六朝客食唐代堂餐也昭四年傳注曰食肉之祿謂在朝廷治其職事就官食者

疏曰在官治事官皆給食大夫以上食乃有肉又引此傳

以證之是也

左傳考證

子雅子尾怒解二子皆惠公孫

公孫竈惠公之孫公子欒堅之子子雅也竈惠公之孫公

子高祈之子子尾也

呂氏春秋慎行篇注

案通志氏族略三云齊

有欒氏惠公之後惠公子堅字子欒是以字爲氏氏族略

四云齊高氏惠公之子公子祁字子高之後

祈祁通呂覽注宜作祈高

誤大事表亦從鄭略特祈字誤作旗字

子旗乃子雅之子欒施之字見昭二

年

得慶氏之木百車於莊解慶封時有此木積於六軌之道

又昭十年陳鮑與欒高戰敗諸莊莊在鹿門之內

東南門曰鹿門

見昭傳 慶封伐北門克之入伐內宮弗克反陳于嶽杜注嶽

里名是在宮門之外北門之內合莊與嶽卽孟子所謂莊

嶽之間也大事表七之一 案四書釋地云兩獨齋隨筆

別無一語案左傳襄二十八年得慶氏之木百車於莊昭
十年又敗諸莊哀六年戰于莊卽此莊也襄二十八年慶
封反陳于嶽卽此嶽也蓋皆齊城內街里之名此繫經典
正文疏家全不引之足見其疏余謂朱子言疏乃邵武士
人作不解名物制度
書不似疏益爲信然

文子曰可慎守也已解善其不志於貨財

當時滅慶氏之人皆爭分財貨玉帛惟陳無宇之志皆不

在此但對曰得慶氏之木百車於莊是其篡齊之大志已

萌於此學者觀此當知沛公入關珍貨無所取婦女無所

幸而范增所以憂也呂氏春秋左

氏傳說九

至於魚里解里名

魚里當近在宮門之外

大事表七之一

使工爲之誦茅鴟解茅鴟逸詩刺不敬

鴟亦作鴟爾雅云狂茅鴟舍人曰狂一名茅鴟喜食鼠大

目也郭璞云今鵲鴟也似鷹而白

釋法雲翻譯名義集六

爾雅鴟有

四種茅鴟是其一

釋鳥云鴟鴞鴟鴞狂茅鴟怪鴟梟鴟釋文云茅本或作鴟

皆惡鳥也

茅鴟篇雖亡其義大約如墓門有梅有鴟萃止之語埤雅

所謂鴟食桑黽則變而美其色好其音及其食梅則不足

以革其容色變其聲音是也

周氏附論

案丘光庭兼明書云

補茅鴟小序茅鴟刺食祿而無禮也在位之人有重祿而無禮度君子以爲茅鴟之不若作詩以刺之茅鴟茅鴟無

集我岡汝食汝飽莫我爲祥願彈去汝來彼鳳皇來彼鳳
皇其儀有章茅鴟茅鴟無啄我雀汝食汝飽莫我肯略願
彈去汝來彼瑞鵲來彼瑞鵲其音可樂茅鴟茅鴟無搏栗
畱汝食汝飽莫我爲休願彈去汝來彼尸鳩來彼尸鳩食
子其周茅鴟茅鴟無嚙我陵汝食汝飽莫我好聲願彈去
汝來彼倉鷹來彼倉鷹祭鳥是徵茅鴟四章章八句余竊
謂辭意淺俗遠遜東廣微之作何足云補聊附錄之以示
學者

予之朱方解朱方吳邑

顏師古曰丹徒卽朱方也

見漢書地理志上

秦始皇以其地有天

子氣使赭衣徒三千人鑿南坑以敗其勢故云丹徒

本通典

漢置縣宋改名鎮江府今爲江南江蘇鎮江府附郭丹徒縣

大事表
七之四

與晏子邶殿解邶殿齊別都

高氏曰案晏子春秋景公封晏子于都昌辭不受都昌古城在今山東萊州府昌邑縣西舊以爲卽邶殿然古者增封每因其原封而附益之晏子本封于晏在今濟南府齊河縣境邶殿當亦在此都昌之說不可通余謂高氏之言非也皇輿表以高密爲晏子封邑高密縣屬萊州府蓋以晏弱滅萊棠之故太史公亦謂晏子爲萊之夷維人昌邑與高密接壤則其增封非無據晏城之爲晏或其未封高密時所食邑耳

大事表
七之一

且夫富如布帛之有幅焉爲之制度使無遷也夫民生厚而用利於是乎正德以幅之使無黜嫚謂之幅利解言厚利皆人之所欲唯正德可以爲之幅

言人情須節以正其德亦由布帛須幅以成其度

後漢書孝明八

王列傳

論布帛精麤不中數幅廣狹不中量不粥於市

禮記王制廣

狹者布廣二尺二寸帛則未聞鄭注周禮引逸巡守禮幅

廣四尺八寸爲尺鄭注四當爲三

見內宰及質人疏

則帛廣二尺

四寸

又正義

受而稍致之公以爲忠解致還公

其時諸大夫分慶氏邑者一人不受則餘人更分之不能

及公也故以受而稍致之爲忠

姚氏補注

崔杼其有乎不十人不足以葬解葬必須十人崔氏不能令十人同心故必得

其有乎言無有也無則不足以葬未葬則尸可得而戮故

曰必得之

邵氏左

伯有廷勞於黃崖解滎陽宛陵縣西有黃水西南至新鄭城西入洧釋文黃崖本又作涯

今河南新鄭縣東南二十里有黃水

案縣屬開封府春秋地名攷略六此

疑是舟行崖卽涯也於黃水之畔行勞禮

周氏附論

豈爲一人行也

一人謂康王也

國語魯語下注

榮成伯曰解成伯榮駕鸞

見定元年

榮氏榮成伯榮駕鵝叔肸曾孫

案叔肸宣公弟見宣十
七年杜氏世族譜魯

之公族有榮氏

潛夫論
志氏姓

榮其邑也

王當春秋列國
臣傳二十一

成伯聲

伯之子名樂

國語魯
語下注

案程氏世譜一云叔肸子子叔嬰

齊子叔老子榮駕鵝叔弓據此疑駕鵝為叔弓庶兄故別
為榮氏與杜諸合韋注云聲伯之子聲伯即嬰齊諡蓋子
字為孫

補釋二十年起襄公廿九年盡卅一年

左通一

錢塘梁履繩學

襄廿九九使公冶問解公冶季氏屬大夫

季治魯大夫季氏之族子治也國語魯語下注案公冶為季氏

族特未詳其系世族譜列入雜人程氏世諸同非是

璽書追而與之解璽印也正義蔡邕獨斷云璽印也印信也

天子璽以玉螭虎紐古者尊卑共之月令曰固封璽季武子

使公冶問璽書此諸侯大夫印稱璽也云云

周禮貨賄用璽節注今之印章也地官掌節司市注云如今斗

檢封地官職金云楊而璽之秋左傳季武子使公冶問璽書

追而與之戰國策魏三欲璽者段干子也蔡邕獨斷云古者

尊卑共用之衛宏云秦以來天子爲璽又獨以玉爲之臣

下莫敢用唐又改璽爲寶

周學紀聞四

案原注五代史

古無間運斗樞曰舜爲天子黃龍負璽世本曰魯昭公始

作璽何焯云季武子使公治問在襄公二十九年而謂昭

公始作璽可乎

案禮月令固封疆鄭注疆或爲璽呂氏春秋孟

冬紀淮南時則訓並作封璽惠氏補注據唐六典引周書

曰湯放桀大會諸侯取天子之璽置天子之座因謂商以

前已有璽名然依悲緯之說則璽肇於有虞氏矣

及舍而後聞取卞解發書乃聞之

季孫權使公冶恐其不受辭

趙氏補注七

榮成伯賦式微解式微詩邶風曰式微式微胡不歸式用也

義取寄寓之微陋勸公歸

式用也

詩式微傳

式發聲也

又左傳曰

榮成伯賦式微服虔云

言君用中國之道微亦以式爲用

又正義

且無使季氏葬我

陳氏

君舉

曰傳言人不義季氏

趙氏補注七

東西南北誰敢寧處

解謂上卿

東西南北隨其所在皆王事也故曰誰敢寧處上卿之不

行豈得已哉

邵氏左臚

吳人伐越獲俘焉以爲閹

時吳子好勇使刑人守門

漢書五行志下之下

閹以刀弑之

考工記曰築氏爲削長尺博寸合六而成規桃氏爲刃鄭

氏曰刃刀劒之屬削今之書刀詩曰韓琫容刀書曰赤刀
大訓孔安國曰赤刀赤刃削少儀曰刀卻刃授穎削授拊
鄭氏曰穎鏤也拊把也釋名曰刀到也其末曰鋒若蠶刺
之利也其本曰環形似環也然則直而本鏤者刀也曲而
本不鏤者削也

禮書二
十二

其誰云之解云猶旋旋歸之

古云作員

案詩釋文云
本又作員

與幅員同字石鼓及它金石刻多

然此詩及僖二十二年富辰引詩皆當作昏姻孔員以旋

繞翼衛爲義如幅員之員也

姚氏
補注

案詩傳云旋也杜氏

本之詩正義解爲周旋姚注據幅員爲說更明晰古云員
通用詩鄭風聊樂我員釋文亦作云是也

射者三耦解二人爲耦正義周禮射人云諸侯之射以四耦此三耦者彼是畿內諸侯故四耦此及儀禮大射畿外諸侯故三耦或當臣與君異也

梓人曰張五采之侯則遠國屬五采之侯卽五正之侯也然則射人王以六耦射三侯五正以至士以三耦射一侯二正皆賓射也司裘諸侯大射二侯射人諸侯賓射亦二侯畿內諸侯也若畿外則三侯矣二侯四耦則三侯六耦矣儀禮大射畿外諸侯之制也三耦射畢然後公射又三耦射畢然後公再射乃獲飲觶則三侯亦六耦也昔晉范獻子聘於魯魯侯享之射者三耦公臣不足取於家臣蓋方是時公室卑矣不能如禮

禮書一百六

案說與正義小異

特孔氏本有疑辭不妨並存以備參攷

公巫召伯仲顏莊叔爲一耦釋文邵伯上照反

複姓左傳魯有公巫召伯

廣韻公字注

複姓左傳魯有仲顏莊

叔

廣韻仲字注

案路史高辛紀下云公巫仲顏皆公族通志

氏族略四亦以仲顏爲氏觀釋文舉邵伯則仲字下屬可

見今檢世族譜列上一耦及下一耦名氏並依傳次獨此

一耦云顏莊叔公巫召伯仲其爲轉寫之譌無疑已且伯

仲連文傳中人名亦屬僅見高氏姓名同異攷乃以公巫

召伯仲爲一人非本杜譜特從俗讀爾

高氏未見世族譜

黨叔釋文黨徐音掌

魯自黨氏

莊卅二

黨叔其後也

萬氏氏族略

焦解焦在陝縣

史記周武王封神農之後於焦今陝州東北百步焦城是

也左傳曰虞虢焦滑皆姬姓也爲晉所滅

通志氏族略二晉焦見

二本焦國在河南陝州南二里

春秋與國

案路史國名紀五

云焦本虢之上陽晉滅之上陽爲虢之國都在今陝州東南疑滅焦卽在滅上陽之時故與虞虢連舉之

揚解揚屬平陽郡

周宣王子尚父幽王時封爲揚侯爲晉所滅一云唐叔虞

之後至晉武公遜于齊生伯僑歸周天子封揚侯然傳言

虞虢焦滑霍揚韓魏皆姬姓之國爲晉所滅晉以爲羊舌

氏之邑此甚明也

詳昭廿八志氏族略三

通今山西平陽府洪洞縣

東南十八里有楊城大事表五揚有二襄二十九年揚姬姓也

是國名昭二十二年劉子奔揚是周邑春秋分記疆理書十一案

羊舌氏之楊氏邑即故揚國地揚楊古通用詳昭五年唐書

宰相世系表一下云楊氏出自晉武公子伯僑之後攷晉

武公於莊十六年由曲沃伯為晉侯其子伯僑疑即於此

時別封于揚其滅之也或在害桓莊族之後乎在莊廿五年

好善而不能擇人

好善而不能擇人者謂不善之人不可委之以政禮記檀弓下正義

義

請觀於周樂解魯以周公故有天子禮樂

燕樂亦無數或間或合盡歡而止也春秋襄二十九年吳

公子札來聘請觀于周樂此國君之無算

儀禮鄉飲酒禮注案疏云引

春秋者彼是國君禮此是大夫禮見其異也日格子曰季札當餘祭之喪未踰

年而請觀周樂乃以在殯不樂責孫文子乎札於是考

古之心焉非以為樂也札不義其國託使而亡其於禮也

變矣是故春秋貴之樂之觀無與責焉可也

邵氏學史十一

為之歌邶鄘衛

古邶城在今河南衛輝府東北古鄘城在新鄉縣西南三

十二里

戴震毛鄭詩考正

詳駁證

吾聞衛康叔武公之德如是解皆衛之令德君也

賈逵曰康叔遭管叔蔡叔之難武公罹幽王褒姒之變故

曰康叔武公之德如是

史記吳世家集解

是其衛風乎解聽聲以爲別故有疑言

言三國同是衛風

顧氏補正中

爲之歌王解王黍離也幽王遇西戎之禍平王東遷王政不行於天下風俗下與諸侯同故不爲雅

范甯穀梁序孔子就太師正雅頌因魯史修春秋列黍離於國風齊王德於邦君明其不能復雅政化不足以被羣后也然左傳襄二十九年季札觀樂於魯已爲之歌王矣孔子至哀十一年始自衛反魯樂正雅頌得所則降王於國風非孔子也

困學紀聞三

爲之歌

賈逵三鄭風東鄭是

史記吳世家集解

問詩三百篇果皆樂章與

夫子刪詩存鄭衛而告顏子云放鄭聲先儒有謂鄭聲不
指鄭詩有謂鄭聲卽是鄭詩孰爲是與鄭夾漈謂仲尼編
詩用以歌而非用以說義其說然與案觀左傳季札觀樂
則詩無不入樂者鄭聲卽鄭詩朱子曰二南雅頌祭祀朝
聘之所用也鄭衛桑濮里巷狹邪之所歌也夫子之於鄭
衛蓋深絕其聲於樂以爲法而嚴列其辭於詩以爲戒如
聖人不語亂而春秋所記無非亂臣賊子之事所謂道並
行而不相悖也

吳鼎易堂
問目三

其細已甚民弗堪也是其先亡乎解譏其煩碎知不能久

服虔曰其風細弱已甚攝於大國之間無遠慮持久之風
故曰民不堪將先亡也

史記吳世家集解
案漢書地理
志下注臣瓚曰謂音聲細弱也此

之微弱

爲之歌齊曰美哉泱泱乎大風也哉解詩第八泱泱弘大之聲正義大公後五世哀公荒淫怠慢云云

左傳魯爲季札歌齊曰美哉此詩皆云刺彼云美哉者以

雞鳴有思賢妃之事東方未明雖刺無節尚能促遽自警

詩人懷其舊俗故有箴規故季札美其聲非謂詩內皆是

美事

詩齊譜正義

服虔曰泱泱舒緩深遠有太和之意其詩風

刺辭約而義微體疏而不切故曰大風

史記吳世家集解

泱泱猶

汪洋汪洋美盛貌也

又索隱

表東海者其大公乎解大公封齊爲東海之表式

變雅有先王之澤變風有先公之澤故季札見歌齊曰表

東海者其太公乎見歌小雅曰猶有先王之遺民是其風

稟先公雅稟先王也

詩關雎序正義

爲之歌幽解詩第十五幽周之舊國在新平漆縣東北

今陝西邠州東北有幽亭東五十里有幽谷三水縣西二

十里有古幽城皆是也

春秋地名攷略一

爲之歌秦解詩第十一後仲尼刪定故不同正義此爲季札

歌詩風有十五國其名皆與詩同云云

日格子曰蓋周太師樂歌之序如此今詩小異焉殿幽於

曹而退秦於魏將無意乎秦將大矣秦西夷之國猶未離

其類焉秦苟大則中國之患也聖人於是有憂焉故退之

若夫幽之殿則王通氏已論之矣

邵氏學史一案文中子中說周公篇程元曰

敢問幽風何也子曰變風也元曰周公之際亦有變風乎
子曰君臣相誦其能正乎成王終疑則屋遂變矣非周公
至誠孰能卒之哉元曰幽居變風之末何也子曰夷王已
下變風不復正矣夫子蓋傷之者也故終之以幽風言變
之可正也唯周公能之故繫之以正歌幽曰周之本也嗚
呼非周公孰知其難哉變而克正危而克扶始終不失於
本其惟周公乎
繫之幽遠矣哉

美哉泯泯乎大而婉險而易行以德輔此則明主也
中庸之聲婉約也險當為儉字之誤也大而約則儉節易行
惜其國小無明君也

師古曰泯泯浮貌也言其中庸可與為善可與為惡也

漢書

地理志此詩並刺君而季札美之者美其有儉約之餘風

而無德以將之失於太儉故詩人刺之

詩魏譜正義

為之歌唐正義唐者帝堯舊都之地於漢則太原郡晉陽縣

是也云云

今爲山西太原府之太原縣古唐國叔虞始封時所都也

大事表
七之三

詳昭元年

爲之歌小雅解小雅小正亦樂歌之常

左傳爲吳季札歌小雅服虔云自鹿鳴至菁菁者莪道文

武修小政定九範致太平樂且有儀是爲正小雅皇甫謐

亦云詩人歌武王之德今小雅自魚麗至菁菁者莪十篇

是也則服虔與皇甫謐以小雅無成王之詩也詩小大雅
諸正義

怨而不言解有哀音

王肅曰非不能言畏罪咎也史記吳世家
集解

爲之歌大雅解大雅陳文王之德以正天下正義大雅亦有

武王成王之詩云云

左傳又曰爲之歌大雅服虔云陳文王之德武王之功自
文王以下至鳧鷖是爲正大雅則服虔又以生民行葦旣

醉鳧鷖爲武王詩也

詩小大雅
譜正義

邇而不偏解謙退正義相去近者失於相偏云云

凡人邇近者好在逼迫此樂中乃有不逼之聲

文選潘安
仁笙賦注

遠而不攜解攜貳正義相去遠者失於乖離云云

凡人相遠者好在攜離此頌中乃有遠不攜離之音

文選
笙賦

注

遷而不淫解淫過蕩正義數遷徙者失於淫佚此遷而能不

淫也云云

服虔曰遷徙也文王徙酆武王居鄩

史記吳世家集解

見舞象箭南籥者解象箭舞所執南籥以籥舞也皆文王之

樂正義賈逵云箭舞曲名言天下樂削去無道杜云箭舞者

所執仁者俱無所據各以意言之耳云云詩序云維清奏象

舞卽此象箭之舞故鄭玄注詩云象用兵時刺伐之舞武王

制焉是武舞可知其名之曰南其義未聞也云云

箭竿也色角切春秋傳見舞象箭謂舞所執者說文以爲

竿

羣經音辨二

程大昌曰南籥者二南之籥鼓鍾之詩所謂以

雅以南以籥不僭也

顧氏補正中

案鄭氏象舞之說本諸緯

書文選李斯上秦始皇書注引樂動聲儀曰周樂伐時曰

武象宋均曰象伐時用干戈是也文選張平子西京賦飛

平肅簡薛綜注肅簡平形也

李善注
簡音朔

荀子禮論篇武汭桓

簡簡象楊倬注簡音朔賈逵曰舞曲名武汭桓皆周頌篇

名簡未詳愚疑執競篇有降福簡簡之文遂以簡名猶桓

桓武王之爲桓也或曰邶風簡兮簡兮方將萬舞豈有取

於簡大之義乎餘詳臆說

見舞大武者解武王樂

祭統云舞莫重於武宿夜卽此大武之樂也

本正義熊氏
周氏附

論

聖人之弘也

賈逵曰弘大也

史記吳世家集解
儀所作弘樂也臣錯

案說文瑟字繫傳庖
日弘廣也吳札觀樂

日聖人
之弘也

而猶有慙德聖人之難也解慙於始伐

姚際恆立方論惟有慙德引襄二十九年傳季札曰聖人之弘也而猶有慙德案札之觀樂聞聲審音卽能知帝王之德辨衆國之風史遷稱其見微而知清濁是也自虞夏以訖春秋皆札自爲論譌絕無一語扳据詩書之文若謂尚書先有此語而札乃扳据爲說安在其爲知樂耶其見舞象籥南籥者曰美哉猶有憾與猶有慙德正是一例句法若是則文王亦當自爲有憾耶札之此語乃是評湯之韶濩卽如孔子謂武未盡善意卽甘露頌樂無慙德沈約謝示樂歌啟觀樂帝所遠有慙德皆足取證若是則武王亦當自爲未盡善耶今誤以評樂之言加之成湯之身而仲虺釋之史臣書之將聖人青天

白日心事全驅入模糊曖昧之鄉豈不重可歎耶

尚書古文疏證

勤而不德解盡力溝洫勤也

逸周書太子晉解云如禹者聖勞而不居以利天下夏本紀云禹爲人敏給克勤淮南繆稱訓云禹無廢功無廢財自視猶觥如也賈子脩政語上云大禹之治天下也諸侯朝會而禹親報之其士月朝而禹親見之問於諸侯曰以寡人爲驕乎問於士曰以寡人爲汰乎又云禹與士民同務不自言其信而信論皆所謂勤而不德也

尚靜齋經說案大禹謨

不矜不伐卽本此傳意尚書後辨謂襲用老子及荀子君子篇之文

德至矣哉大矣

服虔曰至帝王之道極於韶也盡美盡善也

史記吳世家集解

若有他樂吾不敢請已解魯用四代之樂故及韶箎而季子知其終也云云

服虔曰周用六代之樂堯曰咸池黃帝曰雲門魯受四代下周二等故不舞其二季札知之故曰有他樂吾不敢請

吳世家集解

子速納邑與政解納歸之公

服虔曰八邑與政職於公不與國家之事

吳世家集解

古者有

政卽有邑邑田邑也古祿以田

惠氏補注四

與之縞帶子產獻紵衣焉解大帶也吳地貴縞鄭地貴紵云

云正義孔安國云縞白繪也

禹貢傳

鄭玄禮記注云白經赤緯

日縞檀弓祥而縞初見以後黑經白緯日織間傳

縞白色生絹亦名為素禮記王制正義師古曰縞鮮支也即今所

謂素者也漢書地理志上注縞薄於織何以知之案孔氏詩正義

縞薄縉不染故色白黃氏韻會縞縉之精白者本小曲阜

之俗善作之尤為輕細又喪服之變除以布帛之疏密為

次故祥縞而禪織織用絲多密而厚蓋今之所謂紬縞用

絲少疏而薄則今之所謂絹也曲阜出縞漢書韓安國云

彊弩之末力不能入魯縞是也曾氏彥和云織縞皆去凶即

古之服記曰又期而大祥素縞麻衣中月而禪禪而織間傳

案織乃細縉隨所染而用之非黑經白緯之謂王者以喪

禮哀死亡邦國之憂縞固可以為賻然其用不止於此周

禮齊服有玄端又有素端大札大荒大裁皆素服王后命婦之服有素沙鄭注云今白縛縛卽絹也詩曰素衣朱襮又曰縞衣綦巾論語素衣麕裘禮記弟子縞帶左傳季札見子產與之縞帶縞之爲用甚多不可以喪紀盡之亦非

但殷人用爲燕服矣

見王制貢錐指五

禹白而細疏曰紵

周禮天官典泉

注師古曰紵織紵爲布及練也

漢書地理志上注案說文練布屬从糸束聲廣韻

九魚練練葛皆音所菹切韻會云練裕屬後漢補衡著練中有引注作練誤

詩陳風曰東門之

池可以漚紵陸璣疏云紵亦麻也科生數十莖宿根在地中至春白生不歲種也荆揚之間一歲三收今南越紵布皆用此麻左傳注云吳地貴縞鄭地貴紵陳鄭皆豫域紵固其土宜也迨晉世有白紵舞江左歌辭極狀舞衣之精

妙則吳地亦貴紵矣延及唐時通典言貢苧布者宣常湖
吉袁郢復岳柳朗凡十州皆荆揚之產陸璣所謂一歲三
收者矣此古今風土之變也

禹貢錄
指入

慎之以禮

服虔曰禮所以經國家利社稷也

本隱十一傳文
史記吳世家集解

史鮪解史魚

衛雜人史鮪

杜氏世
族譜

案論語孔注史魚衛大夫史鮪也

蓋鮪名魚其字卽以官爲氏高氏姓名同異攷乃云史鮪

朝子禮記謂之柳莊檢杜譜衛史氏下史狗

昭七年
作苟

朝之

子不列史鮪檀弓柳莊爲衛太史與史鮪並在獻公時豈

以其同居史職而遂謂卽柳莊耶未知所據存以俟攷

四書

釋地又續亦以鱗爲朝子

公子荆

公子荆南楚獻公子

杜氏世族譜

案孔廣森云杜譜雜人內

有公南楚此恐誤列耳毛奇齡檀弓訂誤謂公南楚卽論

語公子荆南楚其字也愚謂古人名字相配荆蓋字南楚

若游楚子南公子郢子南之類

見昭元哀二

其公南楚別是一

人當從杜譜詳見昭廿年

公叔發解公叔文子

文子衛獻公之孫名拔或作發

禮記檀弓下注

案世本衛獻公生

成子當當生文子拔或作發者以春秋左氏傳作發故云

或作發

又正義案世本又見檀弓上及論語憲問疏

案杜譜發爲公叔氏據

論語疏引世本枝生朱

枝當作拔朱傳作戍詳見襄廿九定十三攷異

為公叔氏

知此氏自朱始文子之為公叔特從時稱耳

公子朝

昭二十年傳之公子朝即定十四年之宋朝此公子朝疑

論語所云公孫朝其人也

陳樹華春秋經傳集解攷正

案公子朝於

昭廿年作亂奔晉或自晉適宋故稱宋朝杜譖不兩列公

子朝者豈以其宋臣耶餘見攷異

辯而不德必加於戮解辯猶爭也正義爭謂孫林父愬衛君

於晉

案此十字諸本闕據朱鶴齡讀左日鈔校補

服虔曰辯若鬪辯也夫以辯爭不以德居之必加於刑戮

也

史記吳世家集解

夫子獲罪於君以在此孫文子以戚叛

賈逵曰夫子孫文子也

案文選潘安仁西征賦及謝宣遠九日從宋公詩注並引作杜預譌

獲罪出獻公以戚畔也

吳世家集解

終身不聽琴瑟解聞義能改

服虔曰聞義而改也琴瑟不聽況於鍾鼓乎

吳世家集解

吾子好直

服虔曰直不能曲撓以從衆

吳世家集解

公孫竈解竈子雅

子雅韓非子外儲說右篇作子夏假借字也禮記月令

孟夏之月其祀竈故名竈字子夏

尚靜齋經說

閭丘嬰帥師圍廬

仁和全耀辰曰閏丘嬰於襄二十五年奔魯二十八年慶氏反諸亡人嬰蓋以其時還齊

襄二月癸未

襄公三十年二月辛酉小二月癸未二十三日也

案五經

二月一日丁卯朔癸未十七日也推法與此不合故不取會于承匡之歲其歲文十一

年至襄三十年七十四歲其歲三月甲子朔絳人稱正月

甲子朔者以夏正月數故師曠下此年曰七十三年然則

起文十一年三月甲子朔盡襄三十年二月二十三日癸

未七十三年積二萬六千六十日也其間有二十七閏率

三十二月有奇則一年積閏也今計至襄二十七年十一

月乙亥朔凡有二萬五千七百五十二日故傳曰再失閏

也從乙亥朔之後至襄三十年二月癸未其間當九千八百五十日而有九千九百八日長五十八日再失閏復于此也雖不知春秋時歷本術今則用此驗衆閏從文十年上盡隱之前年一百七年三十九閏又從襄三十年下盡哀二十七年七十六年二十八閏閏之大數皆與古今衆家法符雖春秋安閏小有失文大凡二百五十年內有九十四閏亦無違也

杜氏經傳長歷

臣生之歲正月甲子朔四百有四十五甲子矣其季於今三之一也解所稱正月謂夏正月也三分六甲之一得甲子甲戌盡癸未

魯襄公三十年歲次戊午二月辛酉朔初四日甲子二十

三日癸未曰其季於今三之一者言甲子數至癸未日正

得二十日是三分六十甲子之一也季者餘數也

案趙氏補注云

劉待制曰季者末也今今日也謂已得四百四十四全甲子其末一甲子六十日而今日乃癸未纔得二十日也故曰三之一邵氏左篇云三之一謂三分六十日之一實二十日也蓋自甲子歷甲戌盡癸未積四百四

十四甲子零二十日算得二萬六千六百六十日除五十

三日在本年正二月

戊午正月大該三十日二月二十三日

止有二萬六千

六百零七日逆推得絳縣老人是魯文公十一年乙丑歲

三月生故曰臣生之歲正月甲子朔注謂夏正月若以周

正則三月也本合云七十四年此時方是二月若夏正則

十二月故除本年不算曰七十三年也

熊氏經說三

叔孫莊叔於是乎敗狄于鹹獲長狄僑如及虺也豹也而皆

以名其子解叔孫僑如叔孫豹皆取長狄名正義敗狄于鹹
事在彼歲未必其年頓生三子當是欲表其功雖在後生子
追以前事名之

叔仲昭伯惠伯之孫叔仲帶叔仲昭子卽叔仲虺

惠伯見文七昭

伯見襄七杜氏世族譜

永樂大典中尚載有春秋世系世譜諸書世

間所無愚嘗攷之蓋叔仲昭伯乃虺也據杜氏則昭伯名

帶左傳帶之名見於策或者本名虺而後改爲帶歷攷左

氏史記世本其有二者亦多叔仲氏出惠伯惠伯卽莊

叔之庶兄也死於子惡之難其帑奔蔡已而復之

見文十八虺

卽惠伯之子莊叔以其猶子而名之未可知也世系以虺

爲惠伯之子世譜則以爲孫如傳所云當是子也

全氏經史問答

四

案襄七年解昭伯叔仲惠伯之孫據檀弓下叔仲皮

正義引世本叔牙生武仲休休生惠伯彭彭生皮則帶爲

皮也于是爲彭也孫程氏世譜六云彭生之孫虺是也全氏

所見卽此書予近從曲阜孔氏假閱昆弟之子可名其孫何不可名之不必

泥傳中其子之文而遂謂命名不下及況師曠舉它國之

故事何須如此詳究耶汪繩祖曰帶疑虺之字虺本蛇類

莊子齊物論釋文帶崔云蛇也古名字相配或取諸此

史趙曰亥有二首六身下二如身是其日數也士文伯曰然

則二萬六千六百有六句也解亥字二畫在上併三六爲身

如算之六下亥上二畫豎置身旁正義二畫爲首六畫爲身

下首之二畫並之使如其身本此下有旁字從傳則是生來

氏注解辯試校衍

日數也

正字云生字
監本誤主

因亥畫似算位故假之以爲言其本作

亥字不爲此也云云

𠄎豎上二畫于左爲算家之二萬乙字曲上豎下橫爲算家之六千左人字曲之上橫下畫爲算家之六百右人字亦然隔一位爲算家之單六中闕六十也故亥有二首六身故晉士文伯曰然則二萬六千六百有六旬也今案李斯所書碑亥字𠄎人皆作丁字形史趙以其衆畫適爾類之取說其字義則當人字也

說文亥
字繁傳

𠄎說文曰二古上字

一人男一人女乙象懷子𠄎𠄎之形陽冰曰古文本象豕形諸義穿鑿之爾𠄎古文亥從豕陽冰曰本象豕減一畫

耳

𠄎篆文乃從二首六身臣錯以爲二首六身止明所記

史趙所言豈得謂之穿鑿蓋古之篆文交體互變謹案孔

子家語子夏聞讀史三豕渡河知己誤爲三亥誤爲豕

氏春秋
察傳篇

然則古文亥當作豕也及史趙所云亥有二首六

身則爲篆文𠄎矣今據李斯書亥字𠄎如此然則二畫豎

則算家之二萬上曲次之則似算家之六千𠄎象算家之

六百又𠄎則算家之隔位六矣此蓋史趙以亥字布畫偶

有此形因舉言之

案此卽拆
字之始

亦不言亥字之義則如許慎

所說陽冰妄非趙許不足言也

繫傳祛
妄篇

宣城梅氏以此證

古籌算縱橫記數之法案宋元人算草六七八九或爲丁

𠄎𠄎𠄎或爲上上三三蓋權輿自古射禮釋獲橫縮相變

卽其遺象

爾雅發八難云請借前箸以籌之言以箸當籌
時方食有兩箸復借高帝前箸得四箸每發一

難輒下一籌至五橫之六丁之七丁之八丁之故用四箸而足篆文亥爲𠄎其乚與上相

似入與丁相似是有三六形若移首上二畫下置身傍則

成卍正如布算橫列四位起二萬次六千次六百次六十

也孔氏經學危言六劉安世曰不謂之日而謂之旬古以甲子數

日故謂之旬與書基三百有六旬有六日同義春秋分記晉世本五

李鏡曰據下傳歲在姬訾之口杜云姬訾營室東壁今

三十年在姬訾正義云亥爲姬訾外傳周語營室之中韋

注云建亥小雪中邵晉涵爾雅正義引分野略例云自危

十六度至奎四度於辰在亥爲訾訾蓋史趙因歲星在亥

其字適與數符故舉以爲說惠氏謂老人卽亥唐以其氏

言之終涉穿鑿

與之田使爲君復陶以爲絳縣師解復陶主衣服之官縣師
掌地域辨其夫家人民

周禮官祿自食邑者外無大小皆收公田之穀分給之故
廩人掌九穀之數以待國之匪頒賜賜稍食匪頒中祿居
大半焉春秋時若管子大匡篇桓公賦祿以粟昭元年秦
楚二公子同食百人之餼皆仍給以穀也此趙孟之於絳
縣老人雖使爲小官而亦與之田矣晉語所謂士食田蓋
兼此二法戰國時之祿或一官而半田半穀商子境內篇
云爵五大夫有賜邑三百家賜稅三百家邑言田稅言穀
也皆不盡如周官本制沈氏小疏

有伯瑕以爲佐解伯瑕士文伯

瑕假古字通乞人之物曰勾借人之物曰假春秋襄三十一年左傳士文伯曰寡君使勾請命釋文云春秋時人名字皆相配楚令尹陽勾字子瑕與士文伯名字正同又鄭有駟乞字子瑕勾與乞義同周秦名字解故上有叔向女齊以師保其君

張雲璈曰晉語悼公因司馬侯之言使叔向傳太子彪疑胙爲太傅女齊爲少傅故叔向謂司馬侯之子曰吾比而事君其父始之我終之我始之夫子終之正所謂師保其君也

單公子愆期

雜人單公子愆期

杜氏世族譜

案大事表以愆期爲單靖公

弟靖公見襄十攷靖公之從孫穆公名旗昭廿二不應同名當是

其族故杜以爲雜人餘詳攷異

不感而願大視躁而足高心在他矣

不感則背本願大則忘分視躁足高則氣驕故曰心在他

慎氏闢義

童子何知

馮氏南曰童子當指僮括而言慎氏闢義

逐成愆解成愆爲邑大夫

單公子愆期成愆案釋例卽一人也馮潛先春秋名號歸一圖上案今本世

族譜雜人內愆期與成愆並列據此所引則成愆當下一字傳寫有譌耳

尹言多

尹言多尹武公之後

武公見成十六萬氏氏族略

案傳尹言多與劉

單同列其爲尹氏世卿無疑杜譜以尹言多爲雜人豈因未詳其系耶

或叫于宋大廟

宋有太廟亦曰太宮哀二十六年大尹殯公于大宮案傳宋魯鄭俱有所出王之廟魯之周廟爲文王廟鄭之周廟爲厲王廟而魯之太廟鄭之太宮爲始封君伯禽桓叔之廟則宋之太廟亦當爲微子之廟宋祖帝乙帝乙更當立商廟以祀之而傳無所見

大事表七之二

鳥鳴于亳社

解殷社正義

哀四年亳社災云云

記言天子大社繼之以亡國之社屋之

見郊特牲

天子之亳社

也春秋書亳社災魯之亳社也左傳烏鳴于亳社宋之亳

社也社必有稷小司寇祭勝國之社稷則為尸是也

見周禮秋

官士師之職案亳社不當有稷先儒皆無義恐祇是連文耳

位必在左春秋傳所謂間

于兩社是也

閔二揜上棧下

案公羊哀四年傳揜其上而柴其下周禮地官媒氏注作奄其

上而棧其下

不受天陽設於北牖使陰明焉

見郊特牲

以其不能生

成萬物而趨於幽也男女之訟於此聽者

見周禮媒氏

以其當

隱蔽而不敢褻也祭之而刑官為尸者以其滅亡刑之類

也宗廟之制天子外屏諸侯內屏

見荀子大略篇及公羊莊卅一年傳注

不

容以亡國之社為之穀梁以亡國之社為廟屏

哀此不可

考孔穎達曰亡國之社或在廟或在庫門內之東

見郊特牲正義

是穎達亦疑穀梁之說

禮書九十二

宋伯姬卒

董仲舒以為伯姬如宋五年宋恭公卒伯姬幽居守節三

十餘年漢書五行志上師古曰伯姬魯宣公女恭姬也成九年歸

于宋十五年而宋公卒今云如宋五年則是傳寫誤注又

待姆也解姆女師正義鄭玄昏禮注云姆婦人年五十無子

出而不復嫁能以婦道教人者云云

禮后夫人必有傅母所以輔正其行衛其身也選老大夫

為傅選老大夫妻為母公羊傳注案疏云春秋說文

叔弓如宋解叔弓叔老之子

叔弓老之子敬子也杜氏世族譜子叔敬叔魯宣公弟叔肸之

曾孫叔弓也禮記檀弓下注案世本叔肸生聲伯嬰齊宣十七成六齊

生叔老

襄十四

老生叔弓叔是其氏此記云子叔者子是男

子通稱故以子冠叔也

又正義

案杜譜與世本同趙鵬飛

春秋經筌

三十

謂叔弓乃叔肸之孫誤也

公焉在解家臣故謂伯有爲公

公大國之孤四命也

儀禮士喪禮注

案典命云公之孤四命鄭爲

伯齋不合立孤但良霄鄭之公族大夫貴重之極以比大

國之孤故臣子尊其君亦號爲公

又疏

案惠氏補注引此疏校改作家臣尊其

主

自墓門之潰入解墓門鄭城門

仁和江磐曰古者墓兆在北墓門當以此得名蓋鄭北門

故下文著舊北門以別之舊北門者疑卽九年諸侯伐鄭

門于北門是也高氏謂墓門爲國西門非

因馬師頡解馬師頡子羽孫

羽頡馬師頡子羽孫

杜氏世族譜案襄廿六年正義引

羽氏別祖揮生申

申生頡

春秋分記世譜七

案子羽見成十三年頡以王父字爲

氏公孫申見成四年又成十年有叔申叔禽程譜闕叔禽

一人杜氏未詳其出故並列之雜人內

介于襄庫

襄公所作之武庫也

周氏附論

駟帶解子西之子

駟帶子上定子

杜氏世族譜

既而葬諸斗城解鄭地名

案賈字記一陳雷縣引此注作鄭城名

斗城在河南開封府陳畱縣南三十五里春秋與圖

及酸棗解陳畱縣

鄭廩延一名酸棗在河南衛輝府延津縣北十五里春秋

興圖

公孫揮解子羽公孫揮

孔廣斌曰齊有公孫揮見哀十一年

其門上生莠子羽曰其莠猶在乎

韋曜問曰甫田維莠今何草荅曰今之狗尾也太平御覽百卉部五

莠者害稼之草說文但云禾粟下揚生莠而已亦不言何

物故孔子曰惡莠恐其亂苗也唯韋昭解魯語云莠草似

稷無實又韋曜問荅云甫田維莠今何草荅曰今之狗尾

也案韋昭避晉文帝諱改為曜然後此物方顯左傳鄭伯有氏門上生

莠子羽曰其莠猶在乎以喻伯有不能久存晉明帝時王

如舉兵作亂令人種禾禾悉變莠已而軍敗見晉書王如傳商書

曰若苗之有莠戰國策曰幽莠之幼也似禾見魏策一爾雅翼八

為任大夫解任晉縣今屬廣平郡

哀四年齊國夏伐晉取任即此漢置任縣故城在今直隸

順德府任縣東南大事表七之三

申無字曰解無字芋尹

范無字楚大夫芋尹申無字也國語楚語上注案范其封邑詳文

九或為縣公高氏左傳姓名同異攷云申叔時之孫未知

何據

會于澶淵釋文字林文仙反澶水在宋

澶淵水也在宋

說文十一上

案二十年澶淵解此衛地又近

戚田本二十六年會于澶淵疆戚田之文也杜氏土地名

亦不入宋顧氏輿圖云後漢書志杼秋縣有澶淵聚注

引左傳襄二十年盟于澶淵卽此杼秋今江南蕭縣案縣屬江

蘇徐州府此誤以澶淵爲宋地也襄二十六年會于澶淵傳云

向戌不書後也若是宋地不應宋人獨後此年傳會于澶

淵謀歸宋財既而無歸於宋此祇是口說非有輜重往返

之勞不必其地近宋也

上下有服公卿大夫服不相踰

服法服也君子小人各有制

呂氏春秋樂成篇注

田有封洫解封疆也洫溝也

十年子駟爲田洫子產亦因子駟之故而修之義門讀書記

豐卷將祭請田焉弗許曰唯君用鮮衆給而已解田獵也鮮野獸衆臣祭以芻豢爲足

鄭穆公之子曰公子豐襄七其子曰公孫段廿七其孫曰豐卷

豐施昭七通志氏族略序田役以馭其衆者謂采地之中得田獵

使役於民皆當不奪農時使人入善故云以馭其衆也據

此文則卿大夫得田獵而春秋左氏傳鄭大夫豐卷請田

子產不許者彼常田之外臨祭取鮮唯人君耳大夫唯得

常田故禮云大夫不掩羣亦是常田豐卷欲僭取鮮故子

產云唯君用鮮明大夫不合也周禮天官太宰疏春秋傳曰唯君

用鮮衆給而已是天子諸侯有四時田獵之禮大夫士不
與焉故鄭豐卷將祭請田而子產止之禮書八十案杜諸豐
卷列雜人內疑卷是段昆弟之子爲子豐之孫以王父字
爲氏若爲段之子是時伯石位次子產性善虛飾豈不能
制其子耶大事表以豐卷爲子豐之子則與鄭略世次不
符非也

三年而復之

三年復之但欲其勿撓已政不爲已甚所以安巨室也義門

讀書記

吾其與之

與猶助也呂氏春秋樂成篇注

襄卅一 可以樹善解可素往立善

師古曰可素厚之以立善也

漢書五行志中之上注
案吳語韋注素猶滋也

使帥師以伐陽州解陽州魯地

昭二十五年公孫于齊次于陽州杜注云齊魯竟上邑未

敢直前故次于竟定八年公侵齊門于陽州則此時陽州

當爲齊有矣在今山東泰安府東平州西北

大事表
七

公作楚宮解適楚好其宮歸而作之

史記秦始皇本紀云秦每破諸侯寫放其宮室作之咸陽

北阪上魯襄尚稱賢君何乃爲此作楚宮而卽世效夷言

而不免

哀十

理歸一轍也

周氏
附論

穆叔曰大誓云民之所欲天必從之解今尚書大誓亦無此

文故諸儒疑之正義杜氏在晉之初亦未見真本及江東晉元帝時其豫章內史梅賾始獻孔安國所注古文尚書其內有泰誓三篇記傳所引大誓其文悉皆有之

昭元年鄭子羽謂子皮鄭語史伯對桓公亦俱引此二句又見應劭風俗通義過譽篇

尚書後辨

立胡女敬歸之子子野次于季氏秋九月癸巳卒毀也解過哀毀瘠以致滅性

春秋子野卒論曰子野卒左傳曰毀也穀梁曰子卒日正也歷漢以迄宋明無有以子野爲弑者獨近日望溪方氏斥之爲弑與子般子赤一例初見似創余反覆觀之而知其說之不可易也胡茅堂氏

寧

謂子般子赤被弑而書卒

子野過毀而亦書卒不覩傳文何以知其爲弑余謂正惟
覩傳文而益知其弑無疑特世儒爲成見所封不之察耳
蓋嘗學斷斯獄隱之遇弑也傳稱館于寯氏壬辰羽父使
賊弑公于寯氏子般之遇弑也傳稱次于黨氏冬十月己
未其仲使圉人荦賊子般于黨氏凡亂臣賊子謀行不軌
類不干宮庭慮君之徒御多而耳目廣也必伺其間於寬
閒隱僻之所而後得以肆其虐且爲後日諉罪飾奸之地
況此傳更明云次于季氏秋九月癸巳卒入大臣之家而
不得反則弑逆之罪季氏將誰逃乎左氏乃云毀此正季
之欲蓋而彌彰也且所云毀者以爲哭泣哀傷而毀乎則
當在大斂小斂呼天搶地之際以爲歆粥疏食不勝羸瘠

而毀乎則當遲之朞月經年之久今襄公之薨以六月辛巳子野之卒以九月癸巳相去七十五日距襲斂之時則已遠矣胡乃不先不後適當其時豈平日倚廬聖室之毀獨無恙次于季氏遂至一毀而卒乎且季氏爲正卿攝國政職當調護嗣君嗣君入其室凡防衛之不周進藥之不謹當惟季是問縱使季無逆謀亦當爲法受惡許世子不嘗藥而春秋書之曰弑今季豈止不嘗藥而已故孔子書之與子般子赤一例季孫謀逆之罪當與羽父襄仲同科或者謂賊無主名烏得斥之爲弑曰季孫之惡甚于梁冀而季孫之謀同于霍顯漢質帝于朝會中目梁冀曰此跋扈將軍也冀聞遂進酖弑帝霍顯之藥殺許后也乘其產

子意子野平日憤襄公之見欺與季有違言而季亦憚其
英武計不若昭之童騃易制遂萌逆謀而適當居喪之日
霍顯之謀曰婦人大故十死一生可用投藥去季之謀曰
子之喪親禮當哀毀可以毀卒飾加至美之名于君以惑
羣聽立其親姊之子以釋羣疑舉朝莫得知通國莫敢議
而學士大夫亦遂相蒙以至于今是其謀更巧而心更毒
烏得追于弑逆之誅乎哉或又謂子赤之弑上書公子遂
叔孫得臣如齊下書夫人姜氏歸于齊可以知其弑而此
經上下文無所見曰此世儒之拘于近而忽于遠也經於
襄二十九年正月書公在楚夏五月公至自楚聞季孫取
卞而不敢入於昭元年書取鄆二年公如晉至河乃復而

季孫宿如晉穀梁曰公如晉而不得入季孫宿如晉而得入惡之也是季之結援大國動見掣肘擅用甲兵陵偏君父所謂司馬昭之心路人皆知者子野特未興甲以攻季氏不至顯然蒙弑爾謹因方氏之論爲二語判其狀曰據經文無殊于子般子赤之卒據傳文顯同于爲氏黨氏之事後之折是獄者以是荏焉可也余見望溪先生之說以爲千古未發急爲說以申明之後閱趙本訥鵬經筵有云公薨而子野卒此與莊公薨而子般卒文公薨而子惡卒何異均未成君均不書地均不書葬蓋子野賢季氏忌之弑野而立昭公以毀言于朝而世不察爾黃若晦仲炎通說云其曰毀者左氏失之爾時季氏專國以子野非已所立

故於其次于季氏而害之以毀間爾春秋書于野卒於公
薨之下情狀顯然又存耕趙氏與權云卒不於他所而於季
氏此疑以傳疑之辭閱三說略同不禁狂喜乃知人心之
同然前儒已多有疑及此者不獨望溪一人之創見也大

表二

太子不立弟則立之無則立長年鈞擇賢義鈞則卜古之
道也解立庶子則以年先人事後卜筮也義鈞謂賢等

昭二十六年云年鈞以德德鈞以卜王不立愛公卿無私
古之制也若公羊隱元年云立適以長不以賢立子以貴
不以長何休云適夫人無子立右媵右媵無子立左媵左
媵無子立嫡姪娣嫡姪娣無子立右媵姪娣右媵姪娣無

子立左媵姪娣質家親親先立娣文家尊尊先立姪嫡子
有孫而死質家親親先立弟文家尊尊先立孫其雙生也
質家据見立先生文家据本意立後生何休作膏肓難左
氏云若其以卜隱桓之禍皆由此作乃曰古制固亦謬矣
鄭箴之云立長以嫡不以賢固立長矣立子以貴不以長
固立貴矣若長均貴均何以別之故須卜禮有詢立君卜
立君見周禮秋官小司寇及春官大卜是有卜也是從左氏之義禮記檀弓下正義
別詳昭傳

是謂不度

師占曰不度不遵禮度也

漢書五行志中之上注

案孝經援神契云

天子之孝曰就諸侯曰度

見禮記祭統正義孝經疏及舊唐書禮儀志七

在感而

有嘉容故謂之不度

惠氏補注四

猶有童心

服虔曰言無成人之志而有童子之心

史記魯世家集解

案士冠

禮曰弁爾幼志順爾成德幼志猶童心也諸侯十二而冠

昭公十九年矣猶有童心故不終

荀子曰天子諸侯十九而冠弁爾幼志今有童

心故不終也

惠氏補注四

案說詳九年

寇盜充斥

解充滿斥見言其多

斥大也廣也

陸氏附注二

非薦陳之

解薦陳猶獻見也

薦進陳設也

陸氏附注二

坊人以時塏館宮室

解坊人塗者塏塗也正義釋宮云鎔謂

之朽云云

朽所以塗也秦謂之朽關東謂之椳說文臣錯案春秋左

傳晉文公爲政朽人以時與館宮室秦晉鄰接也今江淮

間謂朽爲鏝卽關東也說文朽字繁傳坊人塗人也館宮室諸侯

傳也文選左太冲
魏都賦劉注

甸設庭燎解庭燎設火於庭正義郊特牲云云

成十年甸人獻麥杜曰主爲公田者案周禮天官之屬有

甸師卽甸人也又襄三十一年甸設庭燎而周禮甸師帥

其徒以薪蒸役外內饗之事此甸爲甸師明矣大事詩庭

燎美宣王因以箴之而言夜未央庭燎之光毛氏曰庭郊

特牲曰庭燎之百由齊桓公始也庭燎之重公蓋五十侯

數出大戴禮也百者皇氏云作百炬列於庭也或曰百炬共一束也案正義云禮天子百燎齊桓公借用之今大戴禮無此又曰鄉為田燭少儀曰主者執燭抱燹周禮宮交侯攷

正宮中廟中則執燭司烜氏凡邦之大事共墳燭庭燎

也樹於門外曰大燭於門內曰庭燎疏曰庭燎所作依周蒸容所為以葦為中心以布纏之飾蜜灌之若今蠟燭

語太宰文公及內史興賜晉文公命上卿逆於境晉侯郊

勞館諸宗廟饋九牢設庭燎又單子謂定王曰敵國賓至

甸人積薪火師監燎火師司火燎庭燎也左傳曰諸侯賓至甸設庭

燎燕禮甸人執大燭於庭禮書四十六

隸人牧圉各瞻其事

周禮隸僕掌五寢之埽除糞洒之事侯國隸人職當倣此

春秋分記
職官書二

今銅鞮之宮數里解銅鞮晉離宮

上黨郡銅鞮

續漢書郡國志五

上黨記曰晉別宮墟關猶存北城

去晉宮二十里羊舌所邑

本昭世入

左傳成九年晉執鄭伯於

此又注

案路史國名紀五云銅鞮漢縣今隸威勝此有銅鞮山銅鞮水南十五里銅鞮故城宮址存焉

盜賊公行

師古曰公謂顯然為之

漢書胡建傳注

而天癘不戒解癘猶災也言水潦無時

天癘者天之癘氣猶周官司救所謂天患

見地官

彼疏云水

旱之裁疫病之害是也不戒言不為戒備

陸氏附注二

馮簡子

馮氏世本云歸姓鄭大夫馮簡子之後姓纂云周文王第

十五子畢公高之後畢萬封魏支孫食采於馮城因氏焉

通志氏族略三

裨諶能謀謀於野則獲解得所謀也

裨諶出郭而知以成子產之事

淮南說山訓

案謀於野者以

靜曠無繁擾也既得所謀遂創造辭命之草橐故論語曰

裨諶草創之而孔注及皇侃義疏並解爲草野以合左氏

致政後人之疑顏師古匡謬正俗孫奕示兒編三十趙汭補

注引葉氏說皆謂左氏因裨諶草創之文鑿爲謀野之語

或以爲非丘明本傳乃後人所加或以爲左氏讀論語之

誤愚謂皆非也宋汪應辰文定集書糾謬正俗後云裨諶

謀於野則獲自是紀一時事恐不緣草創立文謂後學不

當因此以草創爲草野則可而以疑左氏則過矣

鄭人游于鄉校解鄉之學校正義詩序云子衿刺學校廢是校爲學之別名

鄭國謂學爲校言可以校正道藝

詩子衿序箋

箋見左傳有鄭

人稱校之言故引以爲證耳非謂鄭國獨稱校也漢書公

孫弘奏云三代之道鄉里有教夏曰校殷曰庠周曰序

案

儒林傳文獻通考引作殷曰庠周曰序與孟子文合

是古亦名學爲校也

又正義

然猶防川大決所犯傷人必多吾不克救也不如小決使道

解道通也

周語召穆公諫厲王曰防民之口甚於防川川壅而潰傷人必多民亦如之是故爲川者決之使導爲民者宣之使

言子產之語蓋出於此漢賈讓亦云治土而防其川猶止

兒唬而塞其口豈不遽止然其死可立而待也

見漢書薛

意足與此相比

陸氏附注二

子之愛人傷之而已

卽漢書所謂愛之適足以害之也

見佞幸傳贊周氏附論

子於鄭國棟也棟折榱崩僑將厭焉

魯語

下

養吾棟也夫棟折而榱崩吾懼壓焉語意正同

周氏

附論

僑聞學而後入政

周官云學古入官明襲取此文

尚書後辨

衛詩曰威儀棣棣不可選也解詩邶風釋文此邶風刺衛頃

公故曰衛詩

廿九年傳歌邶鄘衛季札曰是其衛風乎知邶鄘衛皆爲

衛詩詩序亦云

惠氏補注四

周詩曰朋友攸攝攝以威儀解詩大雅醉攸所也攝佐也

十四年傳注攝整也禮記緇衣引此詩鄭注云言朋友以

禮義相攝正也

陸氏附注二

周書數文王之德曰大國畏其力小國懷其德解逸書

晚出武成襲用之而改國作邦字

尚書後辨

紂囚文王七年諸侯皆從之囚正義尚書傳云云

汲郡古文曰帝辛廿三年囚西伯于羑里廿九年釋西伯

諸侯逆西伯歸于程周書程典商王用宗讒震怒無疆諸

侯不娛逆諸文王

惠氏補注四

補釋二十